

Tiäđättäs 14.10.2025

Sämikielâliih Muččâdumos juovlâlavluuh puávdejuh ohtsii juhlen

Muččâdumos juovlâlavluuh čyejih kuulmâ sämikielân pirrâ Suomâ.

Tábáhtusah fáälih máhđulâšvuodâ jaskodid kuldâlid juovlâi saavâ já lávlud uápis juovlâlavluid tavesämi-, anarâš- já nuorttäsämikielân.

Muččâdumos juovlâlavluuh sämikielân puávdejuh fáárun – lávlud, kuldâlid já kuáhtáđ ulmuid.

Sämikuávlus lasseen tábáhtusah uárnejuvvojeh pirrâ Suomâ. Maangâ tilâlâšvuodâst lii fáállun meiddei glögi já máhđulâšvuotâ savâstálláđ já teivâđ ulmuiguin.

Čuávuvááh tilâlâšvuodah:

- Tu 27.11. tme 19 – Turku, Tuámukirkko
- Vá 28.11. tme 18 – Tampere, Aleksander kirkko
- Lá 29.11. tme 14 – Helsig, Tuámukirkko
- Pa 30.11. tme 15 – Oulu, Karjasilta kirkko
- Vu 8.12. tme 18 – Ruávinjargâ, Ruávinjaargâ kirkko
- Lá 13.12. tme 18 – Jyväskylä, Keltinmäki kirkko

Uáassin ubâlâšvuodâ valmâštuvâ meid Ruávinjaargâ servikode pyevtittem videotyeji, mii kovvejuvoo Suádigil kirhoost. Videost puáhtá kuulláđ juovlâlavluid kuulmâ sämikielân. Videost almostitto uánihis uási 10.10. já ubâ video almostitto 31.10..

Siärvus fáámu oovtâst juovlâi saavâin

Ruávinjaargâ kirkkohiärrá **Ilari Kinnunen** kovvee jieijâs uápásmem sämmilâšvuotân návť: "Sämmilij já kirho sovâđâttâmpoosees lii puáhtám uáinusân ohtsii historjá já ton poovčâs soojijd. Lii tehálâš, et säänih já tavoh pyehtih ain-uv muštâlid kunnijâtmist já ráhisvuodâst. Jeesus šoddâmân lohtâseijee engâlij saahâ heivee taan-uv sajan: "Imelist lii kunnee olluvvuodâst, eennâm alne ráávhu ulmuin, kiäid sun ráähist" (Luuk.2:14) "

Tuurkust uárnejum tilâlâšvuotân uásálistám **Ainu Feodoroff** muštâl, ete mon tiet tábáhtus lii sunjin tehálâš: "*Lam aassâm ubâ eellim sämieennâm ulguubeln, mon tiet lii tehálâš já merhâšittee ete ivveest lii joba ohtâ peivi, kuás puáhtá kárvudâttáđ sämimáccuhân já juhlođ tom kulttuur eres sämmiliguin.*

Nube suhâpuolvâ kielâ monâtteijen nuorttäsämikielâ macâtem jieijâs aargân já pirrâsân lii lamaš hástulâš, mut meiddei palhâšittee. Muččâdumos juovlâlavlui várás peessâm máttááttálláđ uccâ uási evangelium nuorttäsämikielân, já muu mielâst lii , et mii uccâ kielâ váldoo vuotân taam tábáhtusâst. Tast šadda tobdo, et puoh háástuin peerusthánnáá mij lep ain-uv tääbbin."

Čuovgga urbi- Čuovâ urbe: Laavlâ tuáivust já ohtâvuodâst

Sämikielâláš juovlâlavluu *Čuogga urbi – Čuovâ urbe* almostitto skammâmáánust 2025 stream-palvâlusâin já YouTubest. Laavlâ teema puátá tuáivust já čuovâst, moh kyeddih ulmuu meiddei vaigâd aaigij čoodâ. Laavlâ lii ovdil lamaš miel di sãmikielâlii *Muččâdumos juovlâlavluuh* -vihkoost já tääl tot lii vuossâmuu keerdi päddejum häämist.

Laavlâ ovtâstit modern muusiklii heiviittâs já ärbivuávlâlii juáigus, mast šadda kuoskätteijee já fámulâš ubâlâšvuotâ. Lavluu saaniid lii čáállám **Inger-Mari Aikio** já nuotâ pieijâm **Ánnámáret**. Lávlon lii aanaarlâš **Káren Maria Näkkäläjärv**i, já miel di juáigusist lii Ánnámáret. Pyevtittâsâst västid jienâtaaidâr já musikkár **Miro Mantere** já heivtmist västid suu lasseen meid musikkár **Otto Eskelinen**.

Čuovâ urbe almostuvá puoh tobdos stream-palvâlusâin sehe Oulu pispekode YouTube-kanavast. Oulu pispekoddesiäđus já Sämítige Säämi muusikkuávdáš láá tuárjum almostittem.

Oovtâstpargoost Vuolgâttâsservijn

Muččâdumos juovlâlavluuh -tábáhtusah láá uási Suomâ Vuolgâttâsservij ärbivuávlâlii kampanja, mast tuárjuh párnáid já sii perruid maailmviđdosávt. Suomâ Vuolgâttâsservi lii almostittâm *Muččâdumos Juovlâlavluuh* -vihko sãmikielân ive 2022.

Lasetiäđuh:

Oulu, sãmipargo čállee Erva Niittyvuopio, +358 40 769 0044, erva.niittyvuopio@evl.fi
Helsinki, pispekodečállee Hanna Remes, +358 40 593 1148, hanna.remes@evl.fi
Jyväskylä, Tiia Saatio, +358 44 365 2677, saatiotiia@gmail.com
Tampere, registerčállee Maarit Vuolab, +358 50 344 2349, maarit.vuolab@evl.fi
Turku, pispekodečállee Timo Helenius, +358 40 6881 492, timo.helenius@evl.fi
Ruávinjargâ, viestâdemhovdâ Noora Hietanen, +358 40 670 0277 noora.hietanen@evl.fi
Omâdâhhaahâm jođetteijee Hanna Kalanne, +358 40 687 1013, hanna.kalanne@felm.org